

種物買房施與尊者阿難以爲私有彼尊者  
阿難施與招提僧阿難如是說十支居士八  
城人聞尊者阿難所說歡喜而樂

佛說十支居士八城人經

佛說邪見經

若五

失譯今附宋錄

失譯今附宋錄

聞如是一時尊者阿難在羅閱祇城迦蘭陀  
竹園世尊般涅槃不久於是有異邪命是尊  
者阿難摠角友中食後行彷彿而行至尊者  
阿難所到已共尊者阿難面相慰勞面相慰  
勞已却坐一面彼邪命却坐一面已語尊者  
阿難曰我欲有所問聽我所問當問賢者邪  
命聞已知之此阿難彼沙門瞿曇棄邪見除  
邪見不記說世間有常世間無常世間有邊  
世間無邊命是身是命異身異有如此命終  
無有命終有此無有此無有命終此阿難彼  
之沙門瞿曇知邪見應如此知耶此婆羅門

佛說邪見經

若五

彼世尊有智有知見如來無所著等正覺棄  
邪見除邪見不記說世間有常至無有命終  
此婆羅門彼世尊有智有見知此邪見如來  
無所著等正覺應如此知此阿難彼沙門瞿  
曇棄邪見除邪見不記說世間有常至無有  
命終云何阿難彼沙門瞿曇知此邪見此云  
何知此婆羅門彼世尊有智有見如來無所  
著等正覺棄邪見除邪見不記說世間有常  
至無有命終此婆羅門此邪見者相應等相  
應如是趣如是生及後世此婆羅門彼世尊  
如是知有知有見如來無所著等正覺知邪  
見當如是知是故阿難我今歸汝汝婆羅門  
莫歸於我如我所歸世尊汝自當歸之是故  
阿難我今便歸彼世尊法及比丘僧我於彼  
世尊為優婆塞從今日始離於殺今日歸尊  
者阿難如是說彼邪命聞尊者阿難所說歡  
喜而樂